

Årsmelding for EU- og EØS-utvalget i Agder SV

FEBRUAR 2019 – FEBRUAR 2020

Følgjande har vore medlemmar av utvalget i årsmøte-perioden:

Paul Magnus Gamlemshaug, utvalgsleiar (Arendal)

Per Gunnar Salomonsen (Søgne/Kristiansand)

Torunn Skåltveit Olsen (Arendal)

Helge Thorbjørnsen (Froland)

Utvalgsleiarens ustabile helsesituasjon har dessverre prega og svekka utvalget sitt arbeidet det meste av perioden.

Agder er representert i SVs sentrale EU- og EØS-utvalg:

På landsstyremøtet i mai 2019 blei Paul Magnus Gamlemshaug valgt inn som medlem av SVs sentrale EU- og EØS-utvalg, og har deltatt på møta i dette utvalget frå hausten 2019.

Han deler mottatt informasjon med resten av Agder-utvalget, og tar med eventuelle innspel frå medlemmane i Agder-utvalget inn i debattane i det sentrale utvalget.

Initiativ frå utvalget for å profilere SV og våre toppkandidatar i valgkampen:

I perioden februar - juni hadde SV på initiativ frå utvalget ganske mange innlegg på trykk både i Agderposten og i Fædrelandsvennen:

- Tilsvar til fleire leiarartiklar i Agderposten
- Svar og tilsvar til NHOs distriktsdirektør Siri Mathisen både i Agderposten og Fædrelandsvennen
- Svar til Høgre-ordførar Harald Furre i Kristiansand både i Agderposten og Fædrelandsvennen

Fleire av innlegga var underteikna av utvalgsleiar felles med SV sine førstekandidatar i Agder, Arendal og Kristiansand. På denne måten fekk SV ein tydeleg profil på vår EØS-motstand tidleg i valgkampen.

Møte i utvalget:

25.juni møttest utvalget for å planlegge korleis medlemmane i utvalget kunne støtte SV sine listekandidatar i fylkes- og kommunevalgkampen etter sommaren. Det blei sendt ut eit brev frå oss i utvalget med råd og tips til listekandidatane om lokalt aktuelle EØS-saker, samt kontaktinfo til utvalgsmedlemmane slik at dei enkelt skulle kunne ta kontakt dersom dei trøng råd eller bistand i valgkampen. Opprinneleg hadde vi sett for oss at dei store lokalpolitiske konsekvensane av forslaga frå Hjelmengutvalget ville bli viktige valgkamptema i mange kommunar. Men regjeringa la desse forslaga midlertidig til sides og oppretta eit nytt tilleggsutvalg, sannsynlegvis for å unngå at dei skulle prege valgkampen til ugunst for høgresida. Vi peika derfor i brevet til dei lokale SV-kandidatane på følgjande tre saker: Acer, Jernbanepakke IV, Innkjøp/anbud av tenester og varer.

29.oktober skulle utvalget hatt neste møte, men det måtte avlysast pga at utvalgsleiaren blei akutt innlagt på sjukehus nokre få dagar før.